



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCLXXI. Ioannis Papae VIII. Ad Romanvm Archiepiscopvm Ravennatem. Arguit quod Albericum comitem Rauennam ascuerit, & nobiles Rauennates contra iusurandum sibi praestitum vexarit. cum ...

urn:nbn:de:hbz:466:1-15967

sæpiissime deludentem, & de præda eorum partem recipientem, iudicio & auctoritate Dei omnipotentis, & beatorum apostolorum Petri ac Pauli simul & nostra, cum omnibus sequacibus suis, & omni ecclesiastica communiōne priuamus, & quousque se ab ipsis Sarracenis penitus separauerit, velut totius Christianitatis inimicum anathematizamus. Data mense Aprili, indictione decimaquarta.

EPISTOLA CCLXXI.

IOANNIS PAPÆ VIII.

AD ROMANVM ARCHIEPISCOPVM

RAVENNATEM.

Arguit quod Albericum comitem Rauennam ascuerit, & nobiles Rauennates contra iusurandum sibi praestitum vexarit. cum Neapoli reuersus fuerit, ait se ea omnia curaturum. iubet Dominicum archidiaconum Fauentinæ ecclesiæ episcopum consecrari.

Romano archiepiscopo Rauennati.

EA quæ nostro præsulatui pro vtilitate & necessaria sanctæ Rauennatis ecclesiæ restituzione perficienda mandasti, lucifluis antecessorum nostrorum informati exemplis, congruum & opportunum eidem ecclesiæ libenter volumus, Deo fauente, præbere solatum, & defensionis auxilium: præcipue cum ipsis nos tibi commissum habeamus regimen. Sed quia multi nobilium Rauennatum, crebris dumtaxat querimoniiis apostolatus nostri aures pulsare non desinunt, circa te clementiæ nostræ benevolentia commota non immerito habetur. Nam vt cetera omittamus, quia Albericum comitem quasi ex parte imperiali Rauennam adsciscere, & nobiles ciues ipsius nobis inconsultis ausu temerario distringere enormiter coegisti, miramur, eo quod te aduersum tuam promissionem iureuirando coram nobis, & sede apostolica prolatam, penitus egisse cognoscimus. Pro quo nimirum te valde cauere oportet, ne pro talibus tua te sententia velut transgressorum vlciscatur. Nos enim te gregem Domini pascere, non per-

turbare, saluare, & non perdere statuimus. Tamen cum nos, Deo volente, Neapoli, quo nunc proficiscimur, fuerimus reuersi; & aut tu, secundum nostram tibi iussionem directam, Romam veneris, aut nos vel missus noster istas in partes venerimus, plenariam de omnibus, quæ tuæ ecclesiæ cognouerimus esse necessaria, iustitiam omnimodo faciemus. Defuncto præterea ecclesiæ Fauentinæ episcopo præuidimus hunc Dominicum venerabilem archidiaconum, sedis ipsius honore episcopali dignum existere. Hoc auctoritatis nostræ statuto præsenti dilectioni tuæ præcipimus, ut absque omni mora, vel protelatione eudem archidiaconum studeas secundum morem episcopum consecrare. Nam si aliqua temeritate deprauatus, hoc contra tuæ sponsionis iuratoriam paginam præsentaliter facere contempseris, pro certo scias quia nos ipsius ecclesiæ curam & solitudinem habentes, iam fatum archidiaconum ad nos ex nostra præceptione illico reuertentem episcopum consecrabimus. Data vt supra.

EPISTOLA CCLXXII.

IOANNIS PAPÆ VIII.

AD ROMANVM ARCHIEPISCOPVM
RAVENNATEM.

Arguit eum, quod alterius legitimam vxorem raptori tradi consenserit, & Romanæ ecclesiæ ausus fuerit aduersari: has ob causas illum a conferendis sacris ordinibus suspendit, donec a Synodo, ad quam eum iubet venire, eius causa cognoscatur.

*Romano archiepiscopo Rauennati missa per Deltonem
venerabilem episcopum.*

INTER cetera quæ de te audiuiimus, veniens Deus dedit dux retulit nobis, quod vxorem illius, de qua legaliter diffinitum est, ad te callide venire fecisses, & alteri viro raptori in stupro vtique tradidisses: quod nimirum tanti flagitii scelus te, iuxta tuum ministerium, omnimodis prohibere, ac funditus refecare oportebat: tu autem consensum illicite præbuisti. Cognoscimus etiam multis indiciis, quod ausu temerario contra sanctam & dominam